



全唐詩目 第二十四

第六冊

張循之

王駿

張柬之

袁恕已

劉幽求

章立同

王易從

盧僎

牛鳳及

共一卷

司馬逸客

王紹宗

鄭遂初

李崇嗣

東方虬

張楚金

房融

呂太一

張紘

鄭蜀賓

共一卷

宋務光

李景伯

李行言

郭利貞

元希聲

李澄之

李如璧

洪子輿

寇泚

吳兢

共二卷

武平一 一卷

趙彥昭 一卷

蕭至忠

李迥秀

楊廉

韋安石

竇希玠

陸景初

鄭南金

李咸

趙彥伯

于經野

盧懷慎 共二卷

辛替否

王景

畢乾泰

麴瞻

樊忱

孫佺

李從遠

周利用

張景源

李恒

張錫

解琬 共二卷

鄭愔 一卷

源乾曜

徐堅

源光裕 共二卷

李元紘

裴濯

劉昇

蕭嵩

韋抗

李暈

韋述

陸堅

程行誡

褚琇

裴光庭

宇文融

崔沔

崔尙

胡皓

共卷

李適之

房琯

李泌

郭子儀

共卷

張諤

劉庭琦

鄭繇

共卷

韓休

許景先

王丘

蘇晉

崔禹錫

張嘉貞

盧從愿

袁暉

王光庭

徐知仁

席豫

韓思復

劉晃

共二卷

賀知章

一卷

贊以寧

醫長

丁

劉禹

韓

張

李

盛

張

崔

林

郭

符

陳

陳

謝

蘇

李

郭

郭

王

陳

謝

謝

謝

郭

李

吳

蘇

李

李

李

李

劉

全唐詩

張循之

張循之洛陽人與弟仲之並以學業著名則天時上書忤旨被誅詩六首

巫山高

巫山高不極合沓狀奇新暗谷疑風雨陰崖若鬼神月明三峽曉分潮滿九

一作

江春爲問陽臺客應知入夢人

送泉州李使君之任

傍海皆荒服分符重漢臣雲山百越路市井十洲人執玉來朝遠還珠入貢頻連年不見雪到處卽行春

長門怨



長門落景盡洞房秋月明玉階草露積金屋網塵生妾  
妬今應改君恩惜未平寄語臨邛客何時作賦成

巫山

流景一何速年華不可追解佩安所贈怨咽空自悲

送王汝宰江陰

郡北乘流去花間竟日行海魚朝滿市江鳥夜喧城讓  
酒非關病援琴不在聲應緣五斗米數日滯淵明

婺州留別鄧使君

西掖馳名久東陽出守時江山婺女分風月隱侯詩別  
恨雙溪急留歡五馬遲迴舟暎沙嶼未遠剩相思

王駿

王峻滄州景城人擢明經第調清苑尉歷殿中侍御史  
出爲渭南尉景龍末授桂州都督累遷太僕少卿隴右  
羣牧使開元二年襲吐蕃於臨洮以功加銀青光祿大  
夫進并州都督長史又以破突厥功拜兵部尙書朔方  
軍大總管後代張說爲兵部尙書同中書門下三品充  
朔方軍節度大使終戶部尙書朔方節度使詩一首

祭汾陰樂章

太和

於穆聖皇六葉重光太原刻頌后土疏場寶鼎呈符獻  
雲孕祥禮樂備矣降福穰穰

張柬之

即製全唐詩  
二  
王峻  
張柬之  
二  
雙峰書屋



張柬之字孟將襄陽人涉獵經史尤好三禮舉進士賢  
良對策第一授監察御史聖曆中爲鳳閣舍人弘文館  
直學士長安中令舉宰相材以姚崇薦遷鳳閣侍郎知  
政事及誅二張兄弟柬之首謀也中宗卽位以功擢天  
官尚書封漢陽王遷中書令爲武三思所構貶死集十  
卷今存詩五首

大堤曲

南國多佳人莫若大堤女玉牀翠羽帳寶裯蓮花距魂  
處自目成色授開心許迢迢不可見日暮空愁予

東飛伯勞歌

青田白鶴丹山鳳婺女姮娥兩相送誰家絕世綺帳前

豔粉紅脂映寶鈿窈窕玉堂褰翠幙參差繡戶懸珠箔  
絕世三五愛紅妝冶袖長裙蘭麝香春去花枝俄易改  
可歎年光不相待

出塞

俠客重恩光驄馬飾金裝瞥聞傳羽檄馳突救邊荒歛  
野山川動囂天旌旆揚吳鉤明似月楚劒利如霜電斷  
衝胡塞風飛出洛陽轉戰磨笄俗橫行戴斗鄉手擒郅  
支長面縛谷蠡王將軍占太白小婦怨流黃腰裏青絲  
騎娉婷紅粉妝三春鶯度曲八月鴈成行誰堪坐愁思  
羅袖拂空牀

與國賢良夜歌二首

柳臺臨新堰樓堞相重複窈窕鳳皇姝傾城復傾國  
杏間花照灼樓上月裴回帶嬌移玉柱含笑捧金杯

袁恕已

袁恕已滄州東光人長安中歷司刑少卿預誅二張又  
從相王統南衙兵備非常以功爲中書侍郎進中書令  
封南陽郡王後貶死環州詩一首

詠屏風

綺閣雲霞滿芳林草樹新鳥驚疑欲曙花笑不關春  
對彈琴客谿留垂釣人請看車馬客行處有風塵

劉幽求

劉幽求冀州武強人聖歷中舉制科中第臨淄王入誅

韋庶人幽求預參大策是夜所下制敕百餘道皆出其手以功授中書舍人睿宗卽位行尚書右丞遷吏部尚書拜侍中開元初改尚書左右僕射爲左右丞相乃以幽求爲左丞相後坐怨望貶卒詩一首

書懷

避暑錄云此詩三館昭庫中檢得幽求非肯安田園者殆出守時憤懣而作

心爲明時盡君門尙不容田園迷徑路歸去欲何從

章玄同

章玄同武后時人久視中張錫爲相請還廬陵王坐流循州玄同有流所贈詩蓋亦當時貶謫者詩一首

流所贈張錫

黃葉因風下甘從洛浦隈白雲何所爲還出帝鄉來

王易從

王易從中宗朝爲鄆縣尉張仁愿奏分判軍事詩一首

臨高臺

漢主事祈連良人在高闕空臺寂已暮愁坐變容髮汎  
豔春幌風裴回秋戶月可憐軍書斷空使流芳歇

盧僕

盧僕吏部尙書從愿之從父也自聞喜尉入爲學士終  
吏部員外郎詩十四首

初出京邑有懷舊林

賦生期獨得素業守微班外忝文學知鴻漸鴈鷺間內  
傾水木趣築室依近山晨趨天日宴夕臥江海閑松風

生坐隅仙禽舞亭灣曙雲林下客霽月池上顏雖曰坐  
郊園靜默非人寰時步蒼龍關寧異白雲關語濟豈時  
顧默善忘世攀世網余何觸天涯謫南蠻回首思洛陽  
喟然悲貞艱舊林日夜遠孤雲何時還

稍秋曉坐閣遇舟東下揚州卽事寄上族父江  
陽令

虎嘯山城晚猿鳴江樹秋紅林架落照青峽送歸流歸  
流赴淮海征帆下揚州族父江陽令盛業繼前修文掩  
崔亭伯德齊陳太丘時哉惜未與千載且爲儔憶昔山  
陽會長懷東上游稱觴阮林下賦雪謝庭幽道濃禮自  
略氣舒文轉邁高情薄雲漢酣態坐芳洲接席復連軫



出入陪華輶獨善與兼濟語默奉良籌歲月歡無已風  
雨暗颼颼掌憲時持節爲邦邈海頭子人惠雖樹蒼生  
望且畱微躬趨直道神甸忝清猷仙臺適西步蠻徼忽  
南浮宇內皆安樂天涯獨遠投忠信徒堅仗神明豈默  
訓觀生海漫漫稽命天悠悠雲昏巴子峽月遠吳王樓  
懷昔明不寐悲令歲屬周喟無排雲翮暫得抒離憂空  
灑霑紅淚萬里送行舟

讓帝挽歌詞二首

開元二十九年冬十一月大尉寧王憲薨帝失聲號

天下兄之天下也國讓於我乃追謚曰讓皇帝

秦伯立風遠延州德讓行闔棺追大節樹羽冊鴻名地  
戶迎天仗皇階失帝兄還聞漢明主遺在劍泣東平

朝天馳馬絕冊帝

宮祖恍惚陵廟新蕭條池館古萬

化一朝空哀樂此路同西園有明月修竹韻悲風

第二句缺字

十月梅花書贈

君不見巴鄉氣候與華別年年十月梅花發上苑今應  
雪作花寧知此地花爲雪自從遷播落黔巴三見汀上  
開新花故園風花虛洛汭窮峽凝雲度歲華花情縱似  
河陽好客心倍傷邊候早春候颯驚樓上梅霜威未落  
江潭草江水侵一作尋天去不還樓花覆簾空坐攀一向花  
前看白髮幾回夢裏憶紅顏紅顏白髮雲泥改何異桑  
田移碧海却想華年故國時唯餘一片空心在空心弔  
影向誰陳雲臺仙閣舊遊人儻知巴樹連冬發應憐南

國氣長春

歲晚還京臺望城闕成口號先贈交親

紫陌開行樹、朱城出晚霞、猶憐慣去國、疑是夢還家、風  
弱知催柳、林青覺待花、交親望歸騎、幾處擁年華、

送蘇八給事出牧徐州用芳韻

相國請出

金鼎屬元方、璫闡連季常、畏盈聊出守、分命乃維良、曉  
騎辭朝遠、春帆向楚常、賢哉謙自牧、天下詠餘芳、

上幸皇太子新院應制

佳氣曉蔥蔥、乾行入震宮、前星迎北極、少海被南風、視  
膳銅樓下、吹笙玉座中、訓深家以正、義舉俗爲公、父子  
成釗合、君臣禹啟同、仰天歌聖道、猶愧乏雕蟲、